

ბრძოლები დამასკოში თუ დამასკოსთვის?

უპრეცედენტო აფეთქება სირიის დედაქალაქში

ხათუნა გაბიძვი

უპრეცედენტო მასშტაბის აფეთქება დამასკოში, დაღუპული და დაშავებული სამხედრო მალაჩინოსნები, ამერიკის შეერთებული შტატების ეკონომიკური სანქციები სირიის წინააღმდეგ, რუსეთის ხისტი პოზიცია და ნიუ-იორკში გაერთიანებული ერების ორგანიზაციის უშიშროების საბჭოს საგანგებო შეხვედრის მოლოდინი სირიის საკითხებზე.

აფეთქების ხმა სირიის დედაქალაქში ეროვნული უშიშროების შენობასთან ადგილობრივი დროით 15:37 საათზე გაისმა.



გაზრდილობა
80-None> გვირგვინი

დეკლარაცია პარლამენტის შეხვედრის შედეგად

დათო გაბიძვი

პარლამენტის შეხვედრის დაცლა C კორპუსიდან დაიწყო. პარლამენტის აპარატის უფროსმა დავით ჯანიაშვილმა თანამშრომლებს ნივთების ჩალაგება დაავალა. როგორც აპარატის თანამშრომლები ამბობენ, პირველ ეტაპზე ისინი უფრო შემჭიდროებულად A და B კორპუსებში გადანაწილდებიან. საქმე ის არის, რომ ნივთების შეკვრის მითითება ვიცე-სპიკერების აპარატებსაც მისცეს, რომლებიც სწორედ A კორპუსში არიან

განთავსებული. "ჯერჯერობით ნივთებს ალაგებენ, მაგრამ შენობა არ იცლება. თუ ვინმეს პირადი ნივთები და ყვავილები შენობიდან გააქვს, მისი საქმეა," - აღნიშნავს დავით ჯანიაშვილი. საპარლამენტო უმცირესობის აპარატის თანამშრომლები ამბობენ, რომ მათ ოთახების დასაცლელად 10 დღე დაუნესეს. თუმცა, როგორც დავით ჯანიაშვილი ირწმუნება, მას თანამშრომლებისთვის ნივთების ჩასალაგებლად ვადები არ დაუნესებია.

გაზრდილობა
80-3 გვირგვინი

მსოფლიო მუსიკის დღეები

ბათუმის ჯაზფესტივალის ფარგლებში Fete de la musique-ს ქართული ანალოგი გაიმართება

ნა ვაკა

მესამე დღეა, ბათუმში შავი ზღვის ჯაზფესტივალის მიმდინარეობს - ჯაზფესტივალის ერთ-ერთი ყველაზე მასშტაბური და სასიამოვნო ღონისძიება, რომელიც დღითიდღე გადამწყვეტ ფაზაში შედის. როგორც იცით, "ისტერნ პრომოუშენის" მიერ ორგანიზებულ ფესტივალს საქართველოს კულტურისა და ძეგლთა დაცვის სამინისტრო წარმოადგენს, რომელიც ფესტივალის ფარგლებში დამატებით ღონისძიებასაც გთავაზობთ.



გაზრდილობა
80-5 გვირგვინი

სანავის იმპორტი იზრდება

ნინო ნარეზაშვილი

მაღალი ფასის მიუხედავად, საქართველოში წლის პირველ ნახევარში სანავის იმპორტი გაიზარდა. ნავთობპროდუქტების იმპორტიორთა კავშირის განცხადებით, "2012 წლის პირველ ნახევარში საქართველოში სანავის იმპორტი (ბენზინი და დიზელის სანავი) შეადგინა 378 323 763,79 კგ, რაც 32 ათასი ტონით ანუ 8.5 პროცენტით აღემატება 2011 წლის ანალოგიური პერიოდის მაჩვენებელს და 52 ათასი ტონით ანუ 14 პროცენტით - 2010 წლის მაჩვენებელს.

აღსანიშნავია, რომ მიმდინარე წელს სანავის ფასები მაღალ ნიშნულზე იდგა და გარკვეული პერიოდის განმავლობაში რეკორდულად ყველაზე მაღალი ფასებიც კი



ფიქსირდებოდა. ბოლო პერიოდში ბენზინის მოხმარებელი, ბენზინის მაღალი ფასის გამო, აქტიურად გადადის სანავის ალტერნატიულ წყაროზე - ავტოგაზზე, რომ-

ლის ლირებულება ბენზინთან შედარებით საკმაოდ სტაბილური და მცირეა (1,10 ლარი/კუბამეტრზე).

გაზრდილობა
80-None> გვირგვინი

| | |
|----------------------|----------|
| 1 აშშ დოლარი | 1.6425\$ |
| 1 ევრო | 2.0186\$ |
| 1 ინგლისური გირვანკა | 2.5877\$ |
| 1 თურქული ლირა | 0.9073\$ |
| 100 რუსული რუბლი | 5.0545\$ |

| | |
|---------|-------------|
| თბილისი | 31°C - 21°C |
| ქუთაისი | 31°C - 19°C |
| თელავი | 32°C - 17°C |
| ზუგდიდი | 30°C - 18°C |
| ბათუმი | 28°C - 18°C |

| | | | |
|---------|----------|--------|--------|
| ნავთობი | 2.88 | +0.03 | +1.18% |
| გაზი | 2.97 | +0.17 | +5.76% |
| ოქრო | 1,573.40 | -16.10 | -1.02% |
| ხორბალი | 895.00 | +10.00 | +1.12% |

"დილას" და "მეტალურგის" ჩახური ბარიერი

საქართველოს თასის მფლობელი გორის "დილა" დღეს პირველად დააჭაშნიკებს ევროსარბიელს - ევროპის ლიგის მეორე საკვალიფიკაციო ეტაპზე გორელებს მეტოქედ დანიური "ორჰუსი"

ერგოთ. დღესვე რუსთავის "მეტალურგი" მიხეილ მესხის სახელობის სტადიონზე ჩეხურ "პლზენს" დაუპირისპირდება.

გაზრდილობა
80-7 გვირგვინი



"დილა" ორჰუსში ჰამბურგიდან ჩავიდა

ფასდაკლების კუპონი

აქცია ექსკლუზივი



4 ივნისიდან 4 ივლისის ჩათვლით! ექსკლუზიურად „24 საათის“ და „Weekend“-ის მკითხველისთვის!
● ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
● აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

| | | |
|-------------------------------|-------|-------|
| ყვავი ცალიწინდა ოინგაზოგს | 5.90 | 4.90 |
| ჰარი პოტერი და საიღუმლო ოთახი | 9.00 | 4.00 |
| ფალიაშვილის ქუჩის ქაღალაი | 6.90 | 3.00 |
| ქართული ანთროპოლოგია | 17.90 | 11.90 |
| კავკასიის გეოგრაფიკული ატლასი | 15.90 | 11.00 |

"24 საათის" ელექტრონული ვერსია იხილეთ Web-გვერდზე www.24saati.ge
ჩვენი პარტნიორები:

ISSN 1987 9121
9 771987 19121001

სააკაშვილმა და მერაბიშვილმა ხელი მოაწერეს "ხელშეკრულებას საქართველოსთან"

საქართველოს პრეზიდენტმა მიხეილ სააკაშვილმა და პრემიერ-მინისტრმა ვანო მერაბიშვილმა ხელი მოაწერეს "ნაციონალური მოძრაობის" საპროგრამო დოკუმენტს "ხელშეკრულება საქართველოსთან". დოკუმენტი "ერთიანი ნაციონალური მოძრაობის" ვებგვერდზე გამოქვეყნდა.

"ერთიანმა ნაციონალურმა მოძრაობამ" ბოლო რვა წლის განმავლობაში, საქართველოს ხალხთან ერთად, დაამარცხა კორუფცია და კრიმინალი, შენდებდა ახალი საქართველო. მაგრამ ბევრ ოჯახს ჯერ კიდევ უჭირს, ბევრია უმუშევარი. ქვეყნის წინსვლითა და წარმატებით მეტი სიკეთე უნდა მიიღოს თითოეულმა ოჯახმა; ამიტომ, "ნაციონალური მოძრაობის" მთავარი მიზანი მომდევნო ოთხი წლის განმავლობაში იქნება - მეტი სარგებელი ხალხს!" - წერია ტექსტში.

დოკუმენტის თანახმად, მიზნის მისაღწევად, "ერთიანი ნაციონალური მოძრაობა" დებს პირობას, რომ მომავალი ოთხი წლის განმავლობაში: განახევრდება უმუშევრობა - აქტიურად ამუშავდება დასაქმების სამინისტრო; დარეგისტრირდება თითოეული უმუშევარი; სამუშაოს ყველა მძიებელს ექნება სახელმწიფოს დაფინანსებით გადაზღვრული და ახალი კვალიფიკაციის მიღების საშუალება, მათ შორის, ახალ ტექნიკურ სასწავლებელსა და გადაზღვრულ ცენტრებში;

ჯანდაცვის დაზღვევა ექნება ყველას - შესაბამისი კატეგორიის დაზღვევა იქნება სოციალურად დაუცველთათვის, 6 წლამდე ასაკის ბავშვებისთვის, პენსიონერებისთვის, პედაგოგებისთვის, დევენილებისთვის, პოლიციელებისთვის და ჯარისკაცებისთვის; ყველა სხვა კატეგორიის მოქალაქეთათვის იარსებებს დაზღვევის საბაზისი პაკეტი; ჯანდაცვა ყველასთვის ხელმისაწვდომი გახდება.

ხელშეკრულებაში აღნიშნულია, რომ გაორმაგდება სოფლის მეურნეობა - ყველა სოფელში ბოლომდე მოგვარდება წყლის, გაზისა და გზების პრობლემა; გაიხსნება 500-ზე მეტი ახალი სოფლის მეურნეობის სანარბაო; მიორწყება დამატებით 90,000 ჰექტარი მიწა; სოფელი მიიღებს 2000 ერთულ ახალ ტრაქტორს; მოხდება სოფლის მეურნეობის სრული მექანიზაცია. საყოფლო-სამეურნეო მიწის 90 პროცენტი დამუშავდება. ყველა ოჯახი მიიღებს 1000-ლარიან ვაუჩერს - ოჯახები თავად გადაწყვეტენ, ამ ვაუჩერით რა პრობლემა მოაგვარონ.

"ამ ხელშეკრულებით "ნაციონალური მოძრაობა" აცხადებს - დამატებითი სამუშაო ადგილების შექმნით, ხელმისაწვდომი ჯანდაცვის უზრუნველყოფითა და სოფლის მეურნეობის განვითარებით მივაღწევთ საერთო მიზანს - მეტი სარგებელი ხალხს," - აღნიშნულია დოკუმენტში.

"მემარჯვენეებმა" მაჟორიტარობის კანდიდატების დასახელება დაიწყეს

მაგდა ლაქიაშვილი

"ახალმა მემარჯვენეებმა" საპარლამენტო არჩევნებისთვის მაჟორიტარობის დასახელება ქუთაისიდან დაიწყეს. პარტიის ლიდერ დავით გამყრელიძის განცხადებით, სიმბოლურია სტარტი ქუთაისიდან, საქართველოს მომავალი საპარლამენტო ქალაქიდან, ვინაიდან ამით "მემარჯვენეები" აღნიშნავენ ქუთაისის მნიშვნელობას ქვეყნის პოლიტიკურ ცხოვრებაში. საქართველოს რაიონების უმეტესობაში "ახალი მემარჯვენეები" ადგილობრივ პარტიულ ლიდერებს წარადგენენ. გამყრელიძის თქმით, პარტია აქცენტს აკეთებს საკუთარი გუნდის წევრებზე და არა ცნობად სახეებზე, მსახიობებსა ან სპორტსმენებზე. "მემარჯვენეების" კანდიდატები ის ადამიანები იქნებიან, რომელთათვისაც პოლიტიკა პროფესიაა და წლების მანძილზე ჩართულები არიან პოლიტიკურ პროცესებში. პარტიის ლიდერი აცხადებს, რომ სხვადასხვა ალიანსებში განვერიანების გამო, ხშირად გაერთიანების ასეთი წევრები პოლიტიკური პროცესებისგან მოშორებით რჩებოდნენ. ახლა კი მათ აქვთ შანსი, აქტიურად ჩაერთონ საარჩევნო მართვლაში. გამყრელიძის განცხადებით, კანდიდატები პროფესიონალიზმის, ადგილობრივი პრობლემების ცოდნისა და მათი მოგვარების უნარების მიხედვით შეარჩივს.



ბისთვის საჭირო და აუცილებელი საქმე, დაიცვან მათი ინტერესები," - ამბობს დავით გამყრელიძემ.

ქუთაისში "ახალი მემარჯვენეების" მაჟორიტარი დეპუტატობის კანდიდატად დავით გამყრელიძემ მამუკა მღვდელაძე წარადგინა. იგი 2004 წლიდან "ახალი მემარჯვენეების" ქუთაისის ორგანიზაციის ხელმძღვანელობს, პარტიაში 2001 წლიდან არის, 2010 წლის ადგილობრივი თვითმმართველობის არჩევნებში ქუთაისის საკრებულოს წევრად აირჩიეს.

ზესტაფონში "მემარჯვენეებს" კახა შავგულიძე წარმოადგენს, რომელიც ზესტაფონის საკრებულოში "მემარჯვენეების" ფრაქციის თავმჯდომარეა. ხონსა და თერჯოლაში "ახალი მემარჯვენეების" კანდიდატები ილია ყუფარაძე და ამირან სოფრომაძე იქნებიან, რომლებიც პარტიაში დაფუძნების დღიდან არიან. სამტრედიაში პარტიას

ლევან ბუაძე წარადგენს. პარტიის ერთ-ერთი დამფუძნებელი გიორგი ასათიანი კი კენჭს წყალტუბოში იყრის.

იმერეთის მსგავსად, პარტიამ პრიორიტეტი საკუთარი გუნდის წევრებს მიანიჭა შიდა ქართლშიც. გორში მაჟორიტარი დეპუტატობის კანდიდატად დასახელებულია იოსებ ბორცვაძე - პარტიის მთავარი კომიტეტის წევრი და შიდა ქართლის რეგიონული ორგანიზაციის ხელმძღვანელი. კასპში "ახალი მემარჯვენეების" კანდიდატი დავით ციხისთავი იქნება, რომელიც პარტიის რაიონულ ორგანიზაციას ხელმძღვანელობს.

ხაშურში კადიდატი ასევე პარტიის რაიონული ორგანიზაციის ხელმძღვანელი მაია ახალკაცი იქნება.

"მემარჯვენეებმა" მაჟორიტარობის კანდიდატები დაასახელეს კახეთშიც. თელავში გამარჯვებისთვის პარტიის ერთ-

ერთი ლიდერი ფიქრია ჩხინაძე იბრძობებს. დავით გამყრელიძის თქმით, მისი კოლეგა კარგად იცნობს თელავში არსებულ პოლიტიკურ თუ სოციალურ ვითარებას და სწორედ ამიტომ თელაველთა პრობლემების გათავისება და მოგვარება არ გაუჭირდება. გურჯაანში "ახალი მემარჯვენეების" მაჟორიტარი დეპუტატობის კანდიდატი გიგი იმერლოშვილი იქნება, რომელიც პარტიის კახეთის რეგიონული ორგანიზაციის ხელმძღვანელია. ყვარელში დავით გამყრელიძემ ყვარლის საკრებულოს ფრაქციის თავმჯდომარის, "ახალი მემარჯვენეების" ყვარლის ორგანიზაციის ხელმძღვანელ ნუგზარ ღონიაშვილის კანდიდატურა წარადგინა. ასევე, ადგილობრივი ორგანიზაციის თავმჯდომარე სოსო ბუჟანიშვილი იქნება "ახალი მემარჯვენეების" კანდიდატი დედოფლისწყაროს რაიონში.

მცხეთაში "ახალმა მემარჯვენეებმა" - მურად ჩხაიძის, თინათინი - ქეთევან გონჯილაშვილის, ხოლო დღუშეთში ვეფხია ბოდაველის კანდიდატურები წარადგინეს.

"სამივე მაჟორიტარი კანდიდატი პოლიტიკაშია, ისინი რაიონულ ორგანიზაციებს ხელმძღვანელებენ, რაც ჩვენთვის ძალიან მნიშვნელოვანია. სამივე დაიბადა, გაიზარდა და დღემდე საქმიანობს იმ რაიონში, სადაც წარდგენილი არიან. სამივე კარგად იცნობს საკუთარი რაიონის პრობლემებს და სამივეს კარგად შეუძლია მშობლიური რაიონისთვის ზრუნვა და მისი ინტერესების დაცვა," - განაცხადა დავით გამყრელიძემ მაჟორიტარობის წარდგინებისას.

"მემარჯვენეები" მაჟორიტარებს ეტაპობრივად ყველა რეგიონში დაასახელებენ.

ორთვიანი პატიმრობა თვალთმაქსურ ბარიბეზაში ბრალდებულს

თბილისის საქალაქო სასამართლომ თვალთმაქსური ვარიეტების დადებში ბრალდებულ "ქართული ოცნების" წევრებს ორთვიანი პატიმრობა მიუსაჯა. "ქართული ოცნების" წევრები მერაბ კაჭახიძე, ტარიელ ქარდავა და თემურაზ შეყლაშვილი 16 ივლისს დააკავეს. ბრალდებულთა დაკავებასთან დაკავშირებით გავრცელებული ოფიციალური განცხადების პარალელულად შინაგან საქმეთა სამინისტრომ გამოაქვეყნა დანაშაულის გრაფიკული სქემა და ვიდეო მასალა, სადაც აღბეჭდილია ვარიეტების პროცესი.

გუშინდელი პროცესის შემდეგ მერაბ კაჭახიძის ადვოკატმა ლადო მაჭარაშვილმა აქტიური განცხადება გააკეთა, რომ პროკურორმა სასამართლოზე ვერ წარადგინა მყარი არგუმენტები, თუმცა მოსამართლემ "ქართული ოცნების" წევრებს პატიმრობა მაინც შეუფარდა. მოსამართლემ არ დააკმაყოფილა ადვოკატის შუამდგომლობა დაკავებულების გათავისუფლების თაობაზე, რადგანაც, განიზიარა ბრალდების მხარის განცხადება, რომ კაჭახიძის, ქარდავასა და შეყლაშვილის გათავისუფლება გამოძიებას ხელს შეუშლიდა.

ადვოკატი ლადო მაჭარაშვილი სასამართლოს გადაწყვეტილებას ზემდგომ ინსტანციაში გაასაჩივრებს, რადგან მიიჩნევს, რომ სასამართლომ უსამართლო განჩინება გამოიტანა.

"სასამართლომ არ გაითვალისწინა ჩვენ მიერ წარდგენილი არც ერთი არგუმენტი იმის შესახებ, რომ მერაბ კაჭახიძის საპატიმროში ყოფნა არ შეიძლება, აღნიშნულ ქმედებას პოლიტიკურ დევნად ვაფასებ," - განაცხადა ლადო მაჭარაშვილმა.

მისივე თქმით, ისინი საქალაქო სასამართლოს გადაწყვეტილებას 48 საათის განმავლო-

ბაში გაასაჩივრებენ.

"საქართველოს ახალგაზრდა იურისტთა ასოციაცია" "ქართული ოცნების" დაკავებული წევრების მიმართ სისხლის სამართლებრივი დევნის შეწყვეტას ითხოვს.

როგორც საია-ს თავმჯდომარე თამარ ჩუგოშვილმა პრესკონფერენციაზე განაცხადა, გამოძიების ხელთ არსებული მასალები და ვიდეომასალა, რომელიც შინაგან საქმეთა სამინისტრომ გაავრცელა, მხოლოდ უკანონო სანევრო შენატანებსა და უკანონო შემოწირულობებზე მიუთითებს და არავითარ შემთხვევაში ამომრჩევლის მოსყიდვაზე.

თამარ ჩუგოშვილის განმარტებით, უკანონო სანევრო შენატანების და შემოწირულობების განხორციელება კანონსაწინააღმდეგო ქმედებაა, თუმცა ის ისჯება როგორც აღმინისტრაციული სამართალდარღვევა და არა როგორც სისხლის სამართლის დანაშაუ-

ლი.

"მოქალაქეთა პოლიტიკური გაერთიანებების შესახებ" საქართველოს კანონის თანახმად, იმ ვარიეტების დადება, რომელიც მიზნად ისახავს ამავე კანონით დადგენილი შეზღუდვებისთვის თავის არიდებას, ისჯება ვარიეტების ღირებულების ხუთმაგი ოდენობით, შესაბამისად, სამინისტროს მიერ გავრცელებულ მასალაში მითითებულ ქმედებებზე რეაგირება მხოლოდ სახელმწიფო აუდიტის სამსახურის კომპეტენციაა. ამ დრომდე უკანონო შემოწირულობების ყველა საქმეზე რეაგირება მხოლოდ აღმინისტრაციული წესით განხორციელდა, აღნიშნული საქმეების სისხლის სამართლის კონტექსტში გადატანის ტენდენცია კი, რომელიც გამოიკვეთა, 164-ე პრიმა მუხლის ძალიან ფართო ინტერპრეტაცია და შემაფოთებელია," - განაცხადა თამარ ჩუგოშვილმა.

გაზეთი "24 საათი" გამომცემელი შპს "მზა". რედაქტორ-გამომცემელი: მაგპუა ფაჩუაშვილი, პაატა ვეშაბიძე. რედაქცია: სოფიო ჩხაიძე (მთავარი რედაქტორი), რედაქტორები: მაია ჭალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილაშვილი (რევიუ), კახა ფაჩუაშვილი (სპორტი). რეკლამის და მარკეტინგის მენეჯერი: ირაკლი ლეჟავა ტელ: 899 22 09 49. ქომპიუტერული ცენტრი: თამაზ ჩხაიძე (მენეჯერი), ირმა ჯიშკარიანი, თენგიზ ქორია, ნინო ყაველაშვილი რედაქციის მისამართი: ქ.თბილისი, კოსტავას ქ. № 68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

მსოფლიო მუსიკის დღეები

პირველი გავრცელება

ეს გახლავთ ფრანგული პროექტის, Fete de la musique-ს ქართული ანალოგი.

ჯაზფესტივალის ფარგლებში დაგეგმილი ღონისძიების ორგანიზატორი კომპანია Alter Events-ი გახლავთ, თავად ღონისძიებამ კი სტარტი გუშინ აიღო და 22 ივლისამდე, ჯაზფესტივალის დასასრულამდე გასტანს. ქართული Fete de la musique-ს კონცერტები ბათუმის ბულვარში გაიმართება.

ახლა კი თვით პროექტის შესახებ: 19-დან 20 საათამდე ანუ ვიდრე ბათუმის კორტებზე ჯაზფესტივალის მონაწილე ჯგუფებისა და შემსრულებლების კონცერტები დაიწყება, ბულვარში სპეციალურად აღმართულ სცენაზე ქართული ჯგუფების ცოცხალი კონცერტები გაიმართება. ქართული ბენდები მსმენელს როგორც საკუთარ, ისე უცხოელი ვარსკვლავების ცნობილი კომპოზიციების ქოვერ ვერსიებსაც შესთავაზებენ, რაც, დაგვეთანხმებით, ყოველთვის კარგი მოსასმენია. ეს კონცერტების სერია ძირითადად ახალგაზრდა თაობაზეა გათვლილი - ემსახურება არა მხოლოდ ახალგაზრდა მსმენელის გართობას, არამედ ჯგუფების შემოქმედების ხელ-

შეწყობასა და პოპულარიზაციასაც. როგორც წესი, ქართულ ახალგაზრდულ ბენდებს იშვიათად ეძლევათ მსმენელის წინაშე წარდგომის საშუალება, ამიტომ მათ მუსიკას საზოგადოება ნაკლებად იცნობს, არადა სავსებით შესაძლებელია, რომელიმე მათგანის შემოქმედება იმდენად საინტერესო იყოს, სამუდამოდ გააქარწყლოს აზრი, თითქოს ამ ქვეყანაში მხოლოდ "მგზავრები" მღერიან და უკრავენ... მოკლედ იდეა კარგია, ახლა მთავარი მისი განხორციელებაა.

რაც შეეხება ღონისძიებაში მონაწილე ჯგუფებს, მათ ჩამონათვალში რამდენიმე ისეთიც მოხვდა, რომელსაც მსმენელი, ასე თუ ისე, ჰყავს: ZurGi, LOUDspeakers, The Balloon Shooters, Salio, Dato Lomidze & The Jet Bird და Anichka & Co. ამ ჯგუფებიდან ერთ-ერთი - Salio - სალომე კორკოტაშვილის, ბექა ჯაფარიძის, ლადუკა ნინუასა და პეპეს შემადგენლობით, ჯაზფესტივალის ძირითად პროგრამაში იყო ჩართული. ჯგუფმა უკვე გამართა კონცერტები კლუბ Take Five-სა და კოლონადებთან. თუ ჩამოთვლილი ჯგუფების შესახებ გაკვირვებული ხართ, იხილეთ ინფორმაციას, იოლად შეძლებთ არჩევანის გაკეთებას და სასურველ მუსიკასაც მოუსმენთ.



ZurGi

ახლა კი ორიოდ სიტყვა Fete de la musique-ს შესახებ, რომელსაც The World Music Day-საც უწოდებენ. ფესტივალი სხვადასხვა ქალაქ-

ში ყოველწლიურად 21 ივნისიდან, მზის ბუნიობის დღიდან იმართება. პირველად ის 1982 წელს პარიზში ჩატარდა, ფესტივალის ორგანიზა-

ტორი კი საფრანგეთის მაშინდელი კულტურის მინისტრი ჟაკ ლანგი გახლდათ. დროთა განმავლობაში "მსოფლიო მუსიკის დღე" გასცდა საფრანგეთის საზღვრებს და მსოფლიო მოვლენად იქცა. ამჟამად Fete de la musique ასი ქვეყნის 340-მდე ქალაქში ტარდება, მათ რიცხვს ამჯერად ბათუმიც შეემატა, რაც, იმედია, სამომავლოდ ტრადიციად იქცევა.

აქვე Fete de la musique-ის მთავარი მახასიათებლის შესახებაც გეტყვი - კონცერტები ღია ცის ქვეშ ტარდება და, ცხადია, უფასოა. მუსიკოსები, წინასწარ მომზადებული პროგრამის გარდა, იმპროვიზაციასაც უხვად გვთავაზობენ. გარდა ამისა, ნებისმიერ მსურველს შეეძლება, სცენაზე ავიდეს, ბენდს შეუერთდეს და მათთან ერთად გადაემშვას მუსიკის მორევში...

P.S. დღეს შავი ზღვის ჯაზფესტივალის მთავარი საკონცერტო აფიშა იხსნება. სცენაზე მსოფლიო ჩემპიონი ბიტბოქსში Butterscotch-ი წარდგება, შემდეგ კი ჯაზის ლეგენდარი გრეჟები და მისი ბენდი Graham Central Station გამოვა. ამ კონცერტისა და ჯაზფესტივალის დანარჩენი აფიშის შესახებ ინფორმაციას "24 საათის" სვალინდელ ნომერში ნაიკითხავთ.

სასერტიფიკაციო გამოცდების გამოცხადება

ბელა ჩაქურიშვილი

სასერტიფიკაციო გამოცდების ჩასაბარებლად წელს 41 ათასმა მასწავლებელმა გაიარა რეგისტრაცია. გამოცდები დასრულდა, შედეგები აგვისტოში გახდება ცნობილი. რამდენად მოაგვარებს მასწავლებელთა სერტიფიცირება საზოგადოების მოთხოვნას, ჩვენს შიღვრებს კვლითვითა და პედაგოგებმა ასწავლონ და მასწავლებლის სახელი აღარ იყოს დაცინვისა და ხუმრობის საგანი, ამას დრო გვიჩვენებს. მანამდე კი საინტერესოა თვითონ პედაგოგთა დამოკიდებულება აღნიშნული გამოცდების მიმართ. ჩვენც გვიჩნდება კითხვა: რას აძლევს მათ სასერტიფიკაციო გამოცდები, გარდა სერტიფიკაციისა? საგნის ცოდნის დამადასტურებელი დიპლომი და თვითონ ცოდნაც ხომ მათ უნივერსიტეტებში მიიღეს...

"მას შემდეგ, რაც პროფესიულ უნარებსა და ჩემს საგანში პროგრამას გადავხედე, მივხვდი, რომ ეს სწორედ ის საკითხები იყო, რომელთა ღრმად შესწავლა ან ადრე ნასწავლისკენ უკან მიბრუნება ჩემი პედაგოგიური პრაქტიკისთვის ძალიან სასარგებლო იქნებოდა," - ამბობს ქართულ-ინგლისური სკოლა "ბრიტანიკას" ქართული ენისა და ლიტერატურის პედაგოგი მაკა სახურია, რომელმაც ახლახან ჩააბარა სასერტიფიკაციო გამოცდა პროფესიულ უნარებში.

რას გვაძლევს სასერტიფიკაციო გამოცდები, გარდა სერტიფიკაციისა? ამაზე მსჯელობა პედაგოგთა ახლახან დაიწყო, მას შემდეგ, რაც გამოცდების ჩაბარების მოთხოვნით მოგვიჩვენა შოკმა გადაიარა. მათთვის, ვინც საკუთარ პროფესიას ღირსების საქმედ თვლის, მუდამ საინტერესოა მათ სფეროში გამოჩენილი ყოველი სიახლე, იქნება ეს ინფორმაციული თუ მეთოდოლოგიური.

მაკა სახურია: ქართული განათლების სისტემასა და სასკოლო რეფორმაში ოდნავ მაინც ჩახედული ადამიანი დამიდასტურებს, რომ

ჩვენს ქვეყანაში მასწავლებლის კვალიფიკაციის პრობლემა სერიოზულად დგას და ეს მისახდია. მასწავლებელი კოლეგებს, მშობლებსა და მოსწავლეებს შორის მაღალი რეპუტაციით უნდა სარგებლობდეს, მის პროფესიონალიზმსა და ობიექტურობაში ეჭვი ვერ უნდა შეიტანონ. ეს იმდენად საპასუხისმგებლო საქმეა, რომ ძალიან მკაცრი შემფასებელი ვარ ხოლმე საკუთარი თავისაც და სხვათა მიმართაც. სკოლა უნდა დატოვოს იმან, ვინც ვერ ასწავლის ან მოსწავლეებზე უარყოფით გავლენას ახდენს."

მასწავლებელთა დაბალი პროფესიონალიზმი ბევრმა ფაქტორმა განაპირობა, მისი ძირითადი მაპროვოცირებელი კი საბჭოთა განათლების სისტემა და პოსტსაბჭოთა პერიოდში განვითარებული მოვლენებია. დაბალი ანაზღაურება სტიმულს უკარგავდა პედაგოგს საიმისოდ, რომ საკუთარ კვალიფიკაციაზე სათანადოდ ეზრუნა. გამოცდების ცენტრის მიერ გამოცემული ახალი სახელმძღვანელოების პაკეტი რვა სქელტანიანი წიგნისგან შედგება. მაკა სახურიას თქმით, მათი გაცნობა სასიამოვნო მოულოდნელობა იყო. პრაქტიკოსი მასწავლებლისთვის სასწავლო პროცესის დაგეგმვის, მართვისა და შეფასების საკითხები მეტ-ნაკლებად ცნობილია, მაგრამ სწავლის თეორიის შესწავლას უკვე გამოცდაჩაბარებელი პედაგოგები მეტად სასარგებლოდ და მნიშვნელოვნად მიიჩნევენ. პროფესიული უნარების პროგრამაში შეტანილია მსოფლიოს საუკეთესო მეცნიერთა თეორიები, რომელთა ცოდნა არა მარტო სასურველი, სავალდებულოა.

"სწავლისა და სწავლების თეორიები იძლევა უნიკალურ ცოდნას იმის შესახებ, თუ როგორ უნდა გაიზაროს მასწავლებელმა სასწავლო პროცესი, როგორ ჩაწვდეს მოსწავლის ფსიქოლოგიურ სამყაროს, რა სისტემებში მოაქციოს სწავლება და რა ოპტიმალური გზები არსებობს საიმისოდ, რომ ეს პროცესი როგორც მოსწავლისთვის, ისე მასწავლებლისთვისაც არა წამებად,

არამედ - სიამოვნებად იქცეს, შემეცნების სასარგებლო პროცესად. შთაბეჭდილების ქვეშ ვარ სწავლის თეორიებთან დაკავშირებით. პედაგოგი უსათუოდ კარგად უნდა იცნობდეს კოგნიტური განვითარების, კონსტრუქტივიზმის, ბიჰევიორიზმის, მრავალმხრივი ინტელექტის, მორალური განვითარების და სხვა თეორიებს, რომელთა საფუძვლების ცოდნა მას დაეხმარება მოსწავლის ფსიქო-სოციალური საჭიროებების ცოდნასა და სწავლების პროცესის წარმატებულად და ეფექტიანად წარმართვაში. ან თუნდაც ჩვენი სახელოვანი მეცნიერის - დიმიტრი უზნაძის "განწყობის თეორია" რად ღირს? თითქმის ასი წლის წინ მან ფსიქოლოგიაში ისეთი ცოდნა მოგვცა, რომელიც არასდროს დაკარგავს მეცნიერულ ღირებულებას და პედაგოგისთვის მისი გააზრება აუცილებელია, რომ ის მოსწავლის ქცევის კონტექსტებსა და მოტივაციებს სათანადოდ "კითხულობდეს."

თუ გვინდა, რომ ქართულმა სკოლამ სამუდამოდ დააღწიოს თავი საბჭოური მეცნიერების რეციდივებს, კარგად უნდა გავეცნოთ ცივილიზებული მსოფლიოს თანამედროვე პედაგოგიურ სწავლებებს და სიახლეები ჩვენს პრაქტიკაში დავენერგოთ. იმ მეთოდოლოგიებს, რომელსაც გამოცდების ეროვნული ცენტრის მიერ შედგენილი პროგრამა ითვალისწინებს, ჩვენი პედაგოგები ადრე ნაკლებად იცნობდნენ. ის თაობა, რომელიც დღეს პედაგოგებად მუშაობენ, იმ დროს სწავლობდნენ უნივერსიტეტში, პედაგოგიკის სწავლება შორს იყო თანამედროვე მეცნიერებისგან. მაკარენკოს და სხვა საბჭოთა მეცნიერების შრომები თანამედროვეობის მოთხოვნებს ვერ პასუხობს. მასწავლებლების შეფასებით, ახალი პროგრამა სრულიად განსხვავებულია იმისგან, რაც მათ თავის დროზე ასწავლეს. ისინი დღეს იმ თეორიულ ცოდნას იძენენ, რომელიც შემდეგ პრაქტიკაში ეფექტურად მუშაობს.

ქართული ენისა და ლიტერატურის პედაგოგი მაკა სახურია ფიქ-

რობს, რომ ის ცოდნა, რომელიც მასწავლებლის სასერტიფიკაციო გამოცდისთვის მზადებისას შეიძინა, ძალიან დაეხმარება სწავლებასა და წარმატებული შედეგების მიღებაში. თუმცა კი მიაჩნია, ეს ერთგვარი და მხოლოდ გამოცდისთვის მოსამზადებელი აქტი არ უნდა იყოს და მასწავლებელი მუდმივად უნდა იღრმავებდეს ცოდნას. "უკვე ვიცი, რა უნდა ვიკითხო და რა პრიორიტეტები უნდა მქონდეს სწავლების დროს. ახლა სულ სხვა თვალთ ვუყურებ სასწავლო პროცესის დაგეგმვის, მენეჯმენტისა და შეფასების საკითხებს. ობიექტური შემფასებლის რეპუტაცია პედაგო-

გის იმიჯისთვის უმთავრესია. შეფასების რუბრიკები, რომელთა შედეგის ახალი ტექნოლოგიები ვისწავლე, სუბიექტურობას გამოორიცხავს, რადგან მის შედეგაში კოლეგებსა და მოსწავლეებსაც ჩავრთავ. ჩემი გაკვეთილი არასდროს იქნება მოსაწყენი და გაუსაძლისი, რადგან მე ვიცი ახალი მეთოდები, როგორ უნდა დავაინტერესო მოსწავლე და რა სიახლეები შევთავაზო სხვადასხვა ტიპის, მრავალფეროვანი და შემეცნებითი გაკვეთილების სახით," - ასეთია პედაგოგის განწყობა. ჩვენ კი პასუხად კიდევ დავძენთ: აღდგომა და, ხვალეო.

სანავის იმპორტი იზრდება

პირველი გვარდიანა

მაგრამ, მიუხედავად ამისა, ბენზინის მოხმარება არა თუ შემცირდა, პირიქით, გაიზარდა კიდევ.

აღსანიშნავია ისიც, რომ მიმდინარე წლის 6 თვის განმავლობაში სანავის იმპორტი კატეგორიების მიხედვით გაზრდილია. კერძოდ, რეგულარის ტიპის ბენზინის მოხმარებამ შეადგინა 70 პროცენტი. გასული წლის ანალოგიური პერიოდის მაჩვენებელთან შედარებით რეგულარის ტიპის ბენზინის მოხმარება გაზრდილია 7 პროცენტით, პრემიუმის - 26,5 პროცენტით (გაზრდილია 6 პროცენტით), სუპერის - 3 პროცენტით, ამ კატეგორიის სანავის მოხმარება გაზრდილია უმნიშვნელოდ. ევრო დიზელის მოხმარებამ შეადგინა 31,62 პროცენტი (გაზრდილია 4 პროცენტით), ხოლო L-62 მარკის დიზელის სანავის მოხმარებამ - 68 პროცენტი

(გაზრდილია 3 პროცენტით).

ნავთობპროდუქტების იმპორტიორთა კავშირის განცხადებით, კატეგორიების მიხედვით სანავის იმპორტის მაჩვენებლის ზრდა გამოწვეულია იმით, რომ ბოლო პერიოდში მიმდინარეობს ავტოპარკის განახლება როგორც სახელმწიფო, ასევე კერძო სექტორში. სანავის მოხმარებასთან ერთად, იზრდება ასევე სახელმწიფო ბიუჯეტში შემოსავლები, რაც ქვეყნისათვის მეტად მნიშვნელოვანია.

მთლიანობაში, სანავის მოხმარების გაზრდა განპირობებულია ეკონომიკის ზრდით, ინფრასტრუქტურული პროექტების დიდი მოცულობით, სატრანზიტო გადაზიდვების, სასოფლო-სამეურნეო სამუშაოების გააქტიურებით, ტურისტების შემოდინებით, ზოგადად ავტოპარკის გაზრდით. ასევე, მოსალოდნელია, რომ სანავის მოხმარების

მზარდი ტენდენციები შემდგომშიც გაგრძელდება, რადგან იწყება ზაფხულის - შვეებულებებისა და ტურისტული სეზონი, როდესაც განსაკუთრებულად აქტიურია ტრანსპორტით მოძრაობა.

ნავთობპროდუქტების იმპორტიორთა კავშირის ხელმძღვანელი ვანო მთვრალაშვილი აღნიშნავს, რომ "საქართველოში ფასის ინდიკატორი, რა თქმა უნდა, საერთაშორისო ბაზარია. მსოფლიოში ეკონომიკური ვითარება არ არის ისეთი, რომ სანავაზე მაღალი ფასი იყოს, მაგრამ ამ პროცესებს ირანის ფაქტორი განაპირობებს. თუ ვითარება ესკალაციისკენ წავა, ცხადია, მომავალშიც ფასის უცაბედ ზრდას გამოიწვევს. მით უმეტეს, რომ ტურისტული სეზონია, რაც სანავაზე მოთხოვნას უფრო მეტად ზრდის."

აღსანიშნავია, რომ საქართველოში ამერიკის შეერთებულ შტატებთან შედარებით სანავი 35 პროცენტით ძვირია. ლარზე დაანგარიშებით, ამერიკაში ერთი გალონი სანავი - 6,31 ლარი, საქართველოში კი 9 ლარი ღირს.

რა განპირობებს ფასების ასეთ სხვაობას? ამ კითხვაზე ნავთობიმპორტიორთა კავშირის თავმჯდომარე განმარტავს, რომ მიზეზი საგადასახადო გარემოა. ვანო მთვრალაშვილის თქმით, ამერიკა მსოფლიო ბაზარზე არსებული ნავთობის მეხუთედს მოიხმარს და იქ საგადასახადო კანონმდებლობა ლოიალურია. მისივე განმარტებით, ქართულ ბაზარზე სანავი აქციზით, ასევე დამატებითი ღირებულების გადასახადით იბეზრება და მისი გათვალისწინებით ერთ-ერთი გზა შესაძლოა საგადასახადო კანონმდებლობის შეცვლა იყოს.

ნავთობპროდუქტების იმპორტიორთა კავშირის ხელმძღვანელის თქმით, საქართველოში დღეისთვის

ადგილობრივ ბაზარზე საერთოდ არ იყიდება აღურიცხავი კონტრაბანდული სანავი; არ ხდება პროდუქციის ფალსიფიკაცია. სანავის თითოეული რეალიზებული ლიტრი დეკლარირებულია და, შესაბამისად, ყველანაირი სახელმწიფო გადასახადი გადახდილია. მნიშვნელოვანია, რომ საქართველოში რეალიზებული სანავის ხარისხი მაღალია. აქვე შედარებისთვის შეგვიძლია მოვიყვანოთ სანავის იმპორტის სტატისტიკა, მაგალითად, სომხეთთან მიმართებაში, რადგან საუბარია იმაზე, რომ სომხეთში სანავი უფრო იაფია. 2011 წელს სომხეთში იმპორტირებულ იქნა 358 ათასი ტონა ბენზინი და დიზელის სანავი, მაშინ, როცა საქართველოში იმპორტმა 780 ათასი ტონა შეადგინა. შესაბამისად, სახელმწიფო ბიუჯეტში სომხეთში გასულ წელს 100 მლნ ლარამდე შევიდა, ხოლო საქართველოში - 450 მლნ ლარამდე.

სახელმწიფო საკუთრებაში არსებული აქციების 100 პროცენტი "საპარტნიორო ფონდისთვის"

ინერ ნარკვეთილი

"საპარტნიორო ფონდში" სახელმწიფო საკუთრებაში არსებული საწარმოების აქციების სრული ინვესტირება მოხდება, რაც იმას ნიშნავს, რომ ამა თუ იმ საწარმოს სახელმწიფოს მფლობელობაში არსებული ყველა აქცია სს "საპარტნიორო ფონდის" საკუთრება ხდება, მთავრობა ფონდს თავის კუთვნილ აქციებს გადასცემს. სს "საპარტნიორო ფონდის" წესდების დამტკიცებისა და კაპიტალის ფორმირების შესახებ "საქართველოს მთავრობის 2011 წლის 2 ივნისის დადგენილებაში ნათქვამია: "საქართველოს ენერჯეტიკისა და ბუნებრივი რესურსების სამინისტრომ და საქართველოს ეკონომიკისა და მდგრადი განვითარების სამინისტრომ უზრუნველყონ: სს "ნავთობისა და გაზის კორპორაციის" აქციათა 100 პროცენტის სს "ელექტროენერჯეტიკული სისტემის კომერციული ოპერატორის" აქციათა 100 პროცენტის, სს "საქართველოს სახელმწიფო ელექტროსისტემის" აქციათა 100 პროცენტის და "თელასის" სახელმწიფო საკუთრებაში არსებული აქციების 24,529 პროცენტის (19 904 783 ცალი ჩვეულებრივი აქცია) "საპარტნიორო ფონდში" სრული ინვესტირება."

ინფორმაციისთვის - სს საპარტნიორო ფონდი წარმოადგენს კერძო კაპიტალის ფონდს, რომელიც სა-

ხელმწიფომ 2011 წლის 28 ივნისს დააფუძნა. სახელმწიფოს მფლობელობაშია მისივე 100 პროცენტი. ფონდი მიზნად ისახავს თანამშრომლობის განვითარებას საჯარო და კერძო სექტორებს შორის საინვესტიციო პროექტების განსახორციელებლად, სამუშაო ადგილების შესაქმნელად, უცხოური ინვესტიციების მოსაზიდად და საქართველოს ეკონომიკის გასავითარებლად. ფონდი ოთხ სექტორში ფუნქციონირებს - ენერჯეტიკა, სოფლის მეურნეობა, წარმოება და უძრავი ქონება. საპარტნიორო ფონდის ფინანსური მონაწილეობა შეზღუდულია პროექტის ჯამური კაპიტალის 49 პროცენტამდე, ხოლო პროექტის ჯამური ღირებულების - 25 პროცენტამდე. დანარჩენი კაპიტალი სტრატეგიული ინვესტორის მიერ არის უზრუნველსაყოფი. ახალი კანონპროექტით, სს "საპარტნიორო ფონდში" აღარ გადაირიცხება პრივატიზაციიდან მიღებული თანხები, თუმცა ფონდს უფლება ექნება, თავად მოიზიდოს ფინანსები და გრანტები საერთაშორისო ინსტიტუტებიდან, დაფინანსების წყაროს ასევე ემატება დამფუძნებლის შენატანები ფონდის კაპიტალში.

ამ დრომდე სს "საპარტნიორო ფონდი" ფლობდა სს "საქართველოს რკინიგზის" აქციათა 24 პროცენტს, სს "ნავთობისა და გაზის კორპორაციის" 24 პროცენტს, "საქართველოს სახელმწიფო ელექტროსისტემის" 49 პროცენტს და



"ელექტროენერჯეტიკული სისტემის კომერციული ოპერატორის" (ესკო) 49 პროცენტთან წილს. სს "საპარტნიორო ფონდის" კაპიტალშია "თბილისის ლოჯისტიკის ცენტრი."

ცვლილებების მიხედვით, ინვესტირების განხორციელებისთანავე "საპარტნიორო ფონდში" უნდა უზრუნველყოს სს "ნავთობისა და გაზის კორპორაციის", სს "ელექტროენერჯეტიკული სისტემის კომერციული ოპერატორის", სს "საქართველოს სახელმწიფო ელექტროსისტემისა" და სს "თელასის" აქციონერის ყველა უფლებამოსილების საქართველოს ენერჯეტიკისა და ბუნებრივი რესურსების სამინისტროსათვის

გადაცემა (მართვის უფლებით გადაცემა). თუმცა, აქციების გასხვისების, დივიდენდის განაწილების, სამეთვალყურეო საბჭოს შექმნის, გაუქმების, წევრთა არჩევის და გამოწვევის უფლებამოსილება "საპარტნიორო ფონდს" დარჩება.

მთავრობის დადგენილებაში ცვლილება ნიკა გილაურმა პრემიერ-მინისტრის თანამდებობიდან გათავისუფლებისა და "საპარტნიორო ფონდის" ხელმძღვანელად დანიშნვის შემდეგ შეიტანა. დადგენილებას გილაური ხელს, როგორც პრემიერ-მინისტრობის მოვალეობის შემსრულებელი, ანერს.

გილაურის გადაწყვეტილება სა-

კანონმდებლო მაცნეში უკვე გამოქვეყნდა. აღსანიშნავია, რომ სს "საპარტნიორო ფონდი" უხელმძღვანელებს "სისიპ-ათასწლეულის გამოწვევის ფონდი - საქართველოს", ასევე "ეროვნულ საინვესტიციო სააგენტოს". თავად სს "საპარტნიორო ფონდს" კი სათავეში ნიკა გილაური ჩაუდგება.

"საპარტნიორო ფონდი" პარლამენტის შენობაში, პრეზიდენტის ფლიგელში განთავსდება, ფონდის ახალი ხელმძღვანელი კი მუშაობას 10 ივლისიდან შეუდგება.

ექსპერტები მიიჩნევენ, რომ "საპარტნიორო ფონდის" არსებობა საჭირო არაა, რადგან ქვეყანაში ძალიან ბევრი კომერციული ბანკი და საინვესტიციო ფონდია, საიდანაც ბიზნესს ფულადი რესურსის მოძიების საშუალება აქვს.

"საპარტნიორო ფონდთან" დაკავშირებით ექსპერტთა დამოკიდებულებას არ იზიარებს საპარლამენტო უმცირესობის წარმომადგენელი გურამ ჩახვაძე. მისი თქმით, ასეთი ტაქტიკა არსებობს არა მარტო საქართველოში, არამედ ყველგან, მთელს მსოფლიოში. ამ კონკრეტულ შემთხვევაში სახელმწიფო კერძო სექტორში კი არ ერევა, არამედ ის კერძო ბიზნესის თანამონაწილეა, მხოლოდ პარტნიორია, ეს ფონდის სახელწოდებიდანაც ჩანს. სახელმწიფოსა და კერძო სექტორის თანამშრომლობა ახალი არაა და ეს პირველად არ ხდება.

ცვლილებები "პროკრედიტბანკის" დირექტორატში

"პროკრედიტ ბანკის" დირექტორთა საბჭოს შემადგენლობაში ცვლილებები. ბანკის ინფორმაციით, ბანკის გენერალური დირექტორის თანამდებობაზე მაია მერედოვას საშა ტერნესი შეცვლის.

ბანკის ინფორმაციით, მაია მერედოვა თითქმის ექვსი წელია რაც ბანკის მენეჯმენტში მუშაობს, აქედან ბოლო ორი წლის განმავლობაში გენერალური დირექტორის პოზიციაზე. მან უდიდესი წვლილი შეიტანა კომპანიის წარმატებაში. მისი ხელმძღვანელობის პერიოდში პროკრედიტ ბანკმა მყარად დაიმკვიდრა მესამე უმსხვილესი ბანკის პოზიცია ქვეყნის საბანკო სივრცეში.

საშა ტერნესთან (გენერალური დირექტორი) და ქეთევან ხუსკივა-

ძესთან ერთად (დირექტორი), ქეთევან ბურდული დაინიშნა ბანკის მესამე დირექტორად (ექვემდებარება საქართველოს ეროვნული ბანკის მიერ დამტკიცებას). ქეთევან ბურდულიმას თავისი კარიერა "პროკრედიტში" რვა წლის წინ ბანკის საკრედიტო განყოფილებაში მუშაობით დაიწყო და 2010 წელს სათავეში ჩაუდგა მცირე ბიზნესის სამმართველოს.

ამას გარდა, ბანკის ექვსივე სამმართველოს უფროსი შევიდა გაფართოებული მენეჯმენტის გუნდში, რომელიც დირექტორების ჩათვლით 9 წევრისგან შედგება. ეს ნაბიჯი გადაიდგა ბანკის გრძელვადიანი ხედვის შესაბამისად, რათა გაიზარდოს მართვის უნარი და ამავდროულად თანდათან შემცირდეს

უცხოელი მენეჯერების რიცხვი.

უახლოესი თვეების განმავლობაში მენეჯმენტის გუნდი კონცენტრირებული იქნება რამდენიმე მსხვილი პროექტის სისრულეში მოყვანაზე. კერძოდ, დაასრულებს ახალი სათავო ოფისის მშენებლობას, გაარემონტებს არსებულ ფილიალებს, გახსნის ახალ ფილიალებსა და სერვის ცენტრებს თბილისისა და რეგიონებში, კლიენტთა მომსახურების ეფექტურობისა და ხარისხის გაუმჯობესების მიზნით, დანერგავს ახალ პროდუქტებს, როგორცაა "ენერჯო ეფექტურობის სესხი" და ახალი "შემნახველი ანგარიში".

"ხუთ წელიწადზე მეტია რაც პროკრედიტ ბანკი, საქართველოს მენეჯმენტის წევრი ვარ და ჩემთ-

ვის დიდი პატივია ვუხელმძღვანელო ასეთ გამორჩეულ ორგანიზაციაში. ჩვენი გუნდის ძლიერი მხარდაჭერით, მე ყველაფერს ვააკეთებ იმისათვის, რომ ეფექტურად წავუძღვე ბანკს თავისი მიზნებისა და მისიების განსახორციელებლად, რათა უზრუნველყოთ საიმედო და სოციალურად პასუხისმგებელი საბანკო მომსახურება ჩვენი აქციონერის მოლოდინის სრულ შესაბამისობაში." - აცხადებს პროკრედიტ ბანკის, საქართველოს გენერალური დირექტორი საშა ტერნესი.

"ცვლილებები ბანკის მმართველობით სტრუქტურაში დიდი ხნის განმავლობაში იგეგმებოდა. კომპანიის მენეჯერული კომპეტენციის გაფართოება პროკრედიტ ბანკს, სა-

ქართველოს განვითარების მნიშვნელოვან დონეზე მეტყველებს. ყველა ახლად დაინიშნულ ადგილობრივ მენეჯერს გავლილი აქვს ტრენინგები ჩვენი საერთაშორისო აკადემიებში მაკედონიასა და გერმანიისა, სადაც მათ გამოხატეს თავიანთი ერთგულება ეთიკური და განვითარებაზე ორიენტირებული საბანკო მომსახურებისადმი. სამეთვალყურეო საბჭოს სახელით, მსურს გულითადი მადლობა გადაუხადო მაიას პროკრედიტში ექვსი წლის განმავლობაში გაწეული სამსახურისა და ერთგულებისათვის, ხოლო ახალ მენეჯმენტს ვუსურვო ყოველივე საუკეთესო ჩვენი ბანკის შემდგომი განვითარებისათვის." - აღნიშნა სამეთვალყურეო საბჭოს თავმჯდომარემ ფილიპ პოტმა

"დილას" დეზიუტი და "მეტალურგის" ჩახური ბარიერი

პირველი გვერდი

რუსთაველებმა პირველი ეტაპი იოლად გადალახეს - ალბანური "ტეუტა" ორი მატჩის ჯამში 9:1 გაანადგურეს. კობა ჟორჯიკაშვილის გუნდს ამჯერად გვარიანი ბრძოლის გადატანა მოუწევს შემდეგ ეტაპზე გასასვლელად. "პლზენმა" შარშან ქვეყნის ჩემპიონობა და სუპერთასი მოიპოვა და ჩემპიონთა ლიგის ჯგუფურ ეტაპზეც ითამაშა. ნინა სეზონში კი მხოლოდ მესამე ადგილს დასჯერდა. ახლახან გუნდის მთავარ მწვრთნელს, პაველ ვრბას, 2015 წლამდე გაუხანგრძლივებს კონტრაქტი და ამ ამბისადმი მოწყობილ პრესკონფერენციაზე მან "მეტალურგთან" მოახლოებულ შეხვედრაზეც ისაუბრა: "ახალი კონტრაქტის გაფორმებაზე ბევრი არ მიფიქრია. გვსურს როგორც ჩხეთის ჩემპიონატში, ისე ევროსარბიელზე წარმატებულად გამოვიდეთ. ევროპის ლიგაში რაც შეიძლება მეტი ეტაპის გავლას ვეცდებით. ასე რომ, რუსთავის "მეტალურგთან" ფეხის დაცდენა დიდი იმედგაცრუება იქნება".

მომავალ მეტოქეს კარგად იცნობს რუსთაველთა ფორვარდი დიმიტრი ტატანაშვილი. გავიხსენოთ, რომ 2008-2010 წლებში ის სწორედ "პლზენში" თამაშობდა და, ცხადია, საინტერესო იქნება მისი შეფასება ყოფილ თანაგუნდელებზე: "ვიცი, რა დონის მეტოქეს ვხვდებით. ბოლოს 2010 წელს ვიყავი "პლზენში". მას შემდეგ გუნდმა სწრაფი პროგრესი განიცადა და ქვეყნის ჩემპიონი გახდა. კლუბმა ძირითადი შემადგენლობის ბირთვი შეინარჩუნა. მაღალი დონის ფეხბურთელები არიან. გამოვარჩევ კაპიტან პაველ ხორვატს და ფლანგის მცველებს, რომლებიც აქტიურად ერთვებიან შეტევებში. დისციპლინირებული გუნდია, მაღალ ტემპში თამაშობენ და სწრაფად გადადიან დაცვიდან შეტევაში. ბურთის კონტროლიც ეხერხებათ. მიუხედავად იმისა, რომ ძლიერ მეტოქესთან გვაქვს საქმე, მხოლოდ მოგებაზე ვფიქ-



დიმიტრი ტატანაშვილი სამი წლის წინ "პლზენის" მეგობარ იყო

რობთ. მოუთმენლად ველით მატჩის დაწყებას. ნაყოფიერი მოსამზადებელი პერიოდი გავიარეთ, რაც დაგვეტყო კიდევ მშვენივრად მოვემზადეთ ფიზიკურად. ვფიქრობ, ერთ-ერთი ჩვენი კოზირი ესეც იქნება," - ასეთია ტატანაშვილის "რეცეპტი".

გორის "დილას" მთავარ მწვრთნელს თეიმურაზ შალამბერიძეს გუნდში ისეთი ფეხბურთელები ჰყავს, ბევრი ქართული გუნდი ვერ დაიკვებინს - ლაშა სალუქვაძე, დათო კვიციანი, გიორგი შაშიაშვილი, კახა ალადაშვილი, გიორგი ონიანი, გოგიტა გოგუა, შოთა კაშია, შოთა გრიგალაშვილი, სანდრო გურული, ირაკლი მოდებაძე, მათე ვანაძე, გიორგი კახელიშვილი - საქართველოს ნაკრების ყოფილი და ახლანდელი ფეხბურთელები, რომლებსაც ევროთასებზე თამაშის გამოცდილებაც უმაგრებთ ზურგს. ერთი სიტყვით, შემადგენლობის მიხედვით, "დილა" სოლიდური გუნდია, თუმცა, მისი ძალა "ორჰუსთან" ორმატიჩან დუელში გამოიხატება.

გორელებმა დანიაში ჩასვლამდე ერთი კვირით ადრე გერმანიაში, კერძოდ, ჰამბურგში გა-

იარეს შეკრება, საკონტროლო მატჩებიც ითამაშეს და გუშინწინ ჩავიდნენ ორჰუსში. სანამ გორელთა მეტოქეზე ვიტყვით, მანამდე "დილას" ფეხბურთელთა წინასამატჩო განწყობას გავეცნოთ. დავით კვიციანი: "გუნდში ისეთი ფეხბურთელები არიან, მათთან შეთამაშება არ იყო რთული. ყველაფერს გავაკეთებთ სასურველი შედეგის მიხედვით. ორრაუნდიანი დუელია და საპასუხო შეხვედრაში გაირკვევა გამარჯვებულის ვინაობა".

გოგიტა გოგუა: "სერიოზულად მოვემზადეთ. სტუმრად ვთამაშობთ და გაათმავებულად მობილიზებული ვიქნებით. "ორჰუსი" კარგი გუნდია, მაგრამ არც ჩვენ ვართ ნაკლები. პირველი მატჩის შემდეგ უფრო მეტი გვეცოდინება მეტოქეზე".

ლაშა სალუქვაძე: "გუნდში საბრძოლო განწყობაა, გულმემატიკვარს ვპირდებით, რომ თავს არ დავზოგავთ და სასურველ შედეგს მივაღწევთ".

მათე ვანაძე: "მეტოქე ძლიერია. მის წინააღმდეგ ასპროცენტიანი მობილიზება გვჭირდება. შეუძლებელი არაფერია. ორმატიჩან დაპირისპირებაში "დი-

ლას" შეუძლია დანიური ბარიერის დაძლევა".

აი, ასეთი განწყობით ხვდებიან გორელები სადებიუტო ევრომატჩს. და რას წარმოადგენს "ორჰუსი"? უპირველესად ის ვთქვათ, რომ დანიელთა 18-კაციან განაცხადში ორი ჩვენებურია - შემეტვი ნახევარმცველი დავით დევედარიანი და ახალგაზრდა დავით სხირტლაძე. ნინა სეზონში "ორჰუსმა" ჩემპიონატში მესამე ადგილი დაიკავა და 15-წლიანი შესვენების შემდეგ დაუბრუნდა ევროსარბიელს. ცხადია, ორჰუსელებიც შემდეგ ეტაპზე გასვლას ვეცდებიან. მომავალ მატჩსა და მეტოქეზე კლუბის ვებგვერდის კორესპონდენტი "ორჰუსის" ახალგაზრდა ნახევარმცველ კასპერ სლოთს დაეკითხა აზრს: "მართალია, მეტოქეს არ ვიცნობთ, მაგრამ "დილა" შეიძლება ძალიან კარგი გუნდი იყოს. ასე რომ, მეტოქის დაუფასებლობა არ შეიძლება. მეტოქე წინეხის ქვეშ უნდა მოვაქციოთ. იმედი გვაქვს, სწრაფ გოლს გავიტანთ".

"მეტალურგი" - "პლზენის" მატჩი 20.00 საათზე დაიწყება, ხოლო "ორჰუსი" - "დილა" - 21:00 საათზე.

მასი და რონალდუ ლა ლიგას ურთულესად თვლიან



"ბარსელონას" არგენტინელი თავდამსხმელი ლიონელ მესი ახალ სეზონში "რეალთან" დაპირისპირების თაობაზე თავის მოსაზრებას ახმოვანებს.

"წლიდან წლამდე ესპანეთის ჩემპიონატი რთულდება, - ფეხბურთელის სიტყვებს გადმოგვცემს ესპანური Marca. - შარშან "რეალს" დარჩა გამარჯვება. წლებულს უფრო დაძაბული ბრძოლები გველის. როგორც ფეხბურთელი, ვცდილობ პროგრესირებას როგორც ინდივიდუალურად, ისე გუნდთან ერთად. რაც შეეხება "ოქროს ბურთს", ის მას დარჩება, ვინც უფრო ძლიერია. კასილასი თუ რონალდუ? გავიმეორებ: ვინც უფრო ძლიერია, ის გაიმარჯვებს. თუმცა, ვისურვებდი, რომ ეს ჯილდო მოიპოვოს ჩემმა რომელიმე პარტნიორმა - ჩავიძინებ იმისთვის".

მსგავს განცხადებას აკეთებს მადრიდის "რეალისა" და პორტუგალიის ეროვნული ნაკრების ლიდერი კრიშტიანო რონალდუ: "ვფიქრობ, ჩემს კარიერაში საუკეთესო რამ "ლა ლიგაში" გამარჯვებაა, რადგან ესპანეთის ჩემპიონატი მსოფლიოში ყველაზე რთულია. იქ დიდი გუნდები თამაშობენ. მაგალითად, "ბარსელონა", რომლის 9 ქულით გასწრება ბევრ რამეზე მეტყველებს", - იუწყება რონალდუს სიტყვებს ინტერნეტ-გამოცემა Soccerway.

რონალდუმ კომენტარი გააკეთა ევროპის ჩემპიონატის ნახევარფინალში ესპანეთთან მატჩში მომხდარ ფაქტზეც, როდესაც პორტუგალიელთა მთავარმა მწვრთნელმა პაულუ ბენტუმ მას უკანასკნელს ანდო პენალტის შესრულება.

"ასეთი გადაწყვეტილება მიიღეს. შეგვიძლია გავიხსენოთ ჩემპიონთა ლიგის 1/2-ფინალში "ბაიერნთან" ჩატარებული მატჩი, როდესაც პენალტი პირველმა დავარტყი, მაგრამ ვერ გავიტანე. ყველაფერი შეიძლება მოხდეს, რადგან პენალტები ლატარიაა", - თქვა პორტუგალიელმა.

ჰინგისი ოლიმპიურ ჩემპიონებს ფედერაციას და უილიამსონს ხელახლა



მარტინა ჰინგისი ფედერაციის ფავორიტად ასახელებს

მსოფლიოს ყოფილ პირველ ჩოგანს, შვეიცარიელ მარტინა ჰინგისს მიანიჭა, რომ ლონდონის ოლიმპიურ თამაშებზე გაიმარჯვებენ მისი თანამემამულე როჯერ ფედერერი და ამერიკელი სერენა უილიამსი.

"ყველა, ვისაც უყვარს ბალახზე თამაში, მოუთმენლად ელის ზაფხულის განმავლობაში უიმბლდონზე მეორედ დაბრუნებას (ოლიმპიურ თამაშებზე სანოგბურთო ასპარეზობები უიმბლდონის კორტებზე გაიმართება). ისინი დატკბებიან ლონდონში ხელმეორედ დაბრუნების შესაძლებლობით. ეს მათთვის იგივეა, რაც ესპანეთის საყვარელ თიხნარზე თამაში. მიმანია, რომ უიმბლდონის ჩემპიონები სერენა უილიამსი და როჯერ ფედერერი ოლიმპიურ თამაშებზე ფავორიტები იქნებიან. თამაშებისთვის მზად იქნება რაფაელ ნადალიც, რომელსაც საკმარისი დრო ჰქონდა ტრავმის მოსაშუშებლად. მას ჯერ არ გამოუვლენია თავისი შესაძლებლობები უიმბლდონზე. ასე რომ, ახლა ამის საშუალება ექნება", - Tennis World ციტირებს ჰინგისს.

ერთეულში "დიდი სლემის" ტურნირების ხუთგზის ტრიუმფატორის აზრით, ოლიმპიური თამაშები არ უნდა შევადაროთ ოთხ მეიჯორ ტურნირს.

"მგონია, რომ ჩოგბურთელებისთვის "დიდი სლემის" ტურნირები ოლიმპიურ თამაშებზე უფრო მნიშვნელოვანია. თუმცა, ყველაზე ამას ვერ ვიტყვი. ყველა ინდივიდუალურად უდგება საკითხს. ბევრი რამ იმაზეცაა დამოკიდებული, თუ საიდანაა მოთამაშე. თუ აშშ-დან, ჩინეთიდან, გერმანიიდან ან საფრანგეთიდან ხარ, ჩემპიონობის შემთხვევაში სუპერგმირად გამოგაცხადებენ. შვეიცარიაში კი ერთი დღით ხარ გმირი. ოქროს მედალს ბევრი არაფერი მოჰყვება. შესაძლოა, ასე იმიტომ ვამბობ, რომ მე თვითონ შვეიცარიიდან ვარ", - ამბობს ჰინგისი.

უიმბლდონის კორტებზე ოლიმპიური ტურნირი დაიწყება თამაშების გახსნიდან მეორე დღეს - 28 ივლისს.

გიგა გურასაშვილი

ლონდონში შეამოწმებენ ყველას და ყველაფერს: ადამიანს, ძროხას, ბატს

გიგა გურასაშვილი

ლონდონის ოლიმპიური თამაშების ორგანიზატორებმა გადაწყვიტეს, თამაშების გახსნის საზეიმო ცერემონია 30 წუთით შეამცირონ.

The sun-ის ცნობით, თამაშების მასპინძელთა ამ გადაწყვეტილების მიზეზი ის არის, რომ G4S-ის დაცვის სამსახურის თანამშრომლებმა დროულად შეძლონ სტადიონის საგუმავგობზე მოზღვავებულ სტუმართა შემოწმება.

მთავარ სტადიონზე ჩატარებული ვენერალური რეპეტიციის დროს გამოჩნდა, რომ პროგრამა გათვალისწინებული ხანგრძლივია. ამის გამო ორგანიზატორები იძულებული გახდნენ, პროგრამა შეემცირებინათ ვენოსიანებისთვის ცეცხლოვანი ნარმოადგენის ხარჯზე.

გახსნის საზეიმო ცერემონია ლონდონის დროით 21 საათზე (თბილისის დროით 24 საათზე)



დაცვის სამსახურის თანამშრომლებს ლონდონში ურთულესი გამოცდის ჩაბარება მოუწევთ

დაიწყება და სამ საათს გაგრძელდება. ორგანიზატორთა დათვლით, ოლიმპიური და პარალიმპიური თამაშების გახსნისა და დახურვის ცერემონიებში მონაწილეობას მიიღებს დაახლოებით 20 ათასი ადამიანი. წარმოდგენების დროს გამოიყენებენ 23 ათას კოსტიუმს. მთლიანობაში ამუშავდება მილიონი ვატი სიმძლავრის აუდიოსისტე-

მა, რომელიც 500 დინამიკში გახსნილია. ამ ცერემონიების მუსიკალურ გაფორმებაზე ზრუნავდა 62 კომპოზიტორი.

G4S-ის დაცვის სამსახურის (კერძოდ დაცვის სამსახურია) მუშაკებს დიდი გამოწვევა ელით. თავიდან ფეხებამდე შესამოწმებელია 80 ათასი გულსამოწმებელი, რომელიც სტადიონზე მივა, 16 ათასი სპორტ-

სმენი, გახსნისა და დახურვის საზეიმო ცერემონიათა 10 ათასი მონაწილე, 70 ცხვარი (არ მოგვცამათ. გახსნის საზეიმო ცერემონიალისთვის მასპინძლებმა დაიქირავეს ცნობილი რეჟისორი დენი ბოილი, რომელმაც წარმოდგენისთვის, ადამიანებთან ერთად, ფრინველები და შინაური ცხოველებიც "დაასაქმა"), 12 ცხენი, 10 ქათამი, 3 ძროხა, 2 თხა, 8 ბატი და 3 ძაღლი. ასე რომ, სტადიონზე მისულ 80 ათას სპორტის მოყვარულს (მასზე დასასრები ბილეთი დაახლოებით ორი ათასი ფუნტი სტერლინგი ღირს) და ტელემაყურებელს უჩვეულო სანახაობა ელის. როგორც ამბობენ, გახსნის საზეიმო ცერემონიას მილიარდიანი ტელეაუდიტორია ეყოლება.

"ყველაფერი უნდა შემომხდეს მანამ, სანამ დაცულ ტერიტორიაზე შეაბიჯებენ. უდიდესი ლოჯისტიკური გამოწვევა გველის", - ამბობს ლონდონური წყარო.

ილიას წიგნი

ალექსანდრა ასათიანი



გრანტ ჰილი კალიფორნიაში ჩადის

გრანტ ჰილი ელ ეიში, "ლეიკერსის" ბოსებთან ლანჩზე გადაფრინდა. კარგი ბიჭი კარგი გუნდის კარგ ბოსებთან მიდის. რალაც ამბები მოსაგვარებელი იქნება და გრანტმა თავისი კუში უნდა მოხსნას. "ლეიკერსში" ერთი განიერი ბუზღუნას, დუაიტ ჰოვარდის მისვლას ელოდებიან და მანამდე კობისთვის ნდობის კედელს აგებენ. იმ კედელში ერთ-ერთი აგური მისტერ ჰილი იქნება. ძველი, ცოტა დამტვრეული აგური. ბრაიანტმა სანტა კლაუსს დუაიტის დაკუნთული კისერი და კარგი პო გასოლი შეუკვეთა. სანტამ უთხრა, კიდევ რამდენიმე ბიჭს გიშოვი და გვარები მითხარო. კობიმ გრანტ ჰილი დაასახელა. "სპრაიტი" კალიფორნიაშიც "სპრაიტია". გრანტი "სპრაიტის" სახე იყო. "ლეიკერსი" "სპრაიტზე", ჰილზე, სანდო პენსიონერებზე გადადის. ჰილი 5 ოქტომბერს 40 წლის ხდება და დასვენებას არ აპირებს. ჰილის კარიერულ ზურგჩანთაში 17 044 (17.1) ქულა, 6 120 (6.1) მოხსნა, 4 226 (4.2) პასია.

ელიის ბოსებმა ჰილთან მოლაპარაკება შარშან დაიწყეს. ფორვარდმა რეგულარული "ფინიქსში" დახურა და სტივ ნემთან ერთად ნოსტალგიის პატარა ბუდეს გადაეფარა. ჰილი კარგი მოთამაშეა. ადრე სკოტი პიპენის ტერიტორიაზე სეირნობდა. რალაც თვალსაზრისით, გრანტი სკოტიზე პიპენი იყო და სტატისტიკაზე შეყვარებულ სტატისტიკურ ამერიკელებთან მეგობრობდა. ჰილი დადის საქველმოქმედო აქციებზე, ჰილი ქუჩის კალათბურთს თამაშობს, ჰილი ჩიზბურგერებს ითვს და გრანტი ამერიკელია. ნალდი ამერიკელი. როგორც ბრიუს სპრინგსტინი. როგორც სლემი. როგორც დენზელ ვაშინგტონი. როგორც დერეკ ჯიტერი. მისტერ ჰილი პოზიტივია. ეს პოზიტივი ცოტა გახუნდა, ცოტა სისწრაფე დაკარგა, უკვე იმიფრება და ჰილში სიბრძნე, ინტე-

ლექტი დიდი დოზით არის. გრანტმა ტკივილთან იძმაკაცა, ჰილი გაჭრეს და გაკერეს. გრანტი საქმეს აკეთებს და "ლეიკერსის" ცოტა დასალაგებულ ბანდას მიხედავს. ჰილთან ერთად კობი უფრო დაისვენებს. გრანტი მისტერ ბრაიანტს კალათბურთით ვერ დაასვენებს, მაგრამ ნუთმევენებების დროს ბიჭებს მზრუნველი დედიკოს ტონით დაელაპარაკება. "ლეიკერსში" ამას, ძირითადად, კობი აკეთებს. ჰილი კარგი მოტივატორია. თუ გრანტი 20 ნუთმი 7-8 ქულას, რამდენიმე პასს და აკურატულ დაცვას დატოვებს, კობი ჯეკ ნიკოლსონის მუხლებზე მინებება, ჯეკის დურბინდიდან მოცეკვავე გოგონებს დააკვირდება და მიაკიმარებს. ბრაიანტი ჰილთან არ ძმაკაცობს და

კობი გრანტით დაისვენებს. ჰილი კალათბურთის დენზელ ვაშინგტონია. ილიას წიგნით, რომელშიც ის რამდენიმე სიტყვაა, რაც ყველას აკლია. გრანტმაც თავისი გზა გაიარა და მშვიდი კაცი უნდა ჩამოჯდეს. კალიფორნიაში ბევრი სკამია. იქ ისტეუდები, ჰეკმანები და რაიანები ისვენებენ. ბუნწულა პენსიონერების ვიზას მალე გრანტ ჰილსაც მისცემენ. კარგი ბიჭი ანგელოზების ქალაქში ჩადის. ანგელოზები ჯერ იზმორებიან, აჩეჩილ თმას ისწორებენ და როგორც კი სამოთხის კარზე კალათბურთის უილ სმიტი დააკაკუნებს, კარი გაიღება და ღრუბლების სკვერში მისტერ ჰილს მიიღებენ. ანგელოზებთან ერთად თეთრ ჩილიმს გრანტიც მოქაჩავს და ნამოიღებს. გრანტმა დასვენება უნდა ისწავლოს. ანგელოზებთან ერთად ეს ამბები უფრო სასიამოვნო იქნება.

ჰილი დადის საქველმოქმედო აქციებზე, ჰილი ქუჩის კალათბურთს თამაშობს, ჰილი ჩიზბურგერებს ითვს და გრანტი ამერიკელია. ნალდი ამერიკელი. როგორც ბრიუს სპრინგსტინი. როგორც სლემი. როგორც დენზელ ვაშინგტონი. როგორც დერეკ ჯიტერი. მისტერ ჰილი პოზიტივია. ეს პოზიტივი ცოტა გახუნდა, ცოტა სისწრაფე დაკარგა, უკვე იმიფრება და ჰილში სიბრძნე, ინტელექტი დიდი დოზით არის. გრანტმა ტკივილთან იძმაკაცა, ჰილი გაჭრეს და გაკერეს. გრანტი საქმეს აკეთებს და "ლეიკერსის" ცოტა დასალაგებულ ბანდას მიხედავს. ჰილთან ერთად "ლეიკერ-

მა" ენტუნან ჯეიმისონსაც დაუმესიჯა, ჩვენთან გადმოდი და სუპერფინალს მოგაგებინებო. ენტუნანმა დაიჯერა. უკვე გზაშია. "ლეიკერსი" კარგი ბენდი იქნება. ამერიკული გუნდი კარგი ამერიკელებით და პო გასოლით. მისტერ ჰილთან, ენტუნან ჯეიმისონთან და მისტერ ბრაიანტთან ერთად. ანგელოზების ქალაქში მისტერ ილია ჩადის და თან ის რამდენიმე სიტყვა ჩააქვს, რაც ყველას აკლია. ილიამ თავისი გზა გაიარა და ნავიდა. გრანტმაც თავისი გზა გაიარა და მშვიდი კაცი უნდა ჩამოჯდეს. კალიფორნიაში ბევრი სკამია. იქ ისტეუდები, ჰეკმანები და რაიანები ისვენებენ. ბუნწულა პენსიონერების ვიზას მალე გრანტ ჰილსაც მისცემენ. კარგი ბიჭი ანგელოზების ქალაქში ჩადის.

გამომცემლობა ინტელექტი

ჩანაწერები

20 წიგნი

გამოუქვეყნებელი დღიურები
ცნობილი ადაპიანების უცნობი ავტობიოგრაფიული უტრისები

ის, რასაც სხვაგან ვერ წაიკითხავთ

დაგვიკავშირდით:
თბილისი, ილია ჭავჭავაძის გამზ. N5
ტელ: (+995 32) 2 25 05 22
(+995 32) 2 47 55 54
intelekti@caucasus.net
info@intelekti.ge
www.intelekti.ge

 www.intelekti.ge